

大唐天竺三藏地婆訶羅譯

# 大乘離文字普光明藏經



佛尼牟迦釋師本無南



《觀大像佛》之社版出裕和自出皆像佛有所書本



《大乘離文字普光明藏經》目錄

爐香讚	一
淨口業真言・淨身業真言	二
淨意業真言・淨三業真言	三
不空摩尼供養真言	四
安土地真言・普供養真言	五
開經偈	六
大乘離文字普光明藏經——經文	一
般若波羅蜜多心經	二九
補闕真言	三三
圓滿補闕真言・普迴向真言	三四
三皈依・迴向偈	三五

爐香讚

爐香乍爇	法界蒙薰	諸佛海會
悉遙聞	隨處結祥雲	誠意方殷
諸佛現全身		
南無香雲蓋菩薩摩訶薩		
(三稱)		

淨口業真言

唵

修利修利

摩訶修利

修修

利

娑婆訶

淨身業真言

唵

修多利修多利

修摩利

修摩利 娑婆訶

淨意業真言

唵

縛日囉 怛訶賀斛

淨三業真言

唵

娑縛娑縛 秣馱 娑縛達摩

娑縛娑縛 秣度憾

不空摩尼供養真言 (本咒出自：安樂妙寶)

阿摩噶不空補夏養供嘛尼珠寶叭德嘛觀

華蓮及及咧剛打他噶打來維羅割得照三

蠻打平等鉢喇灑喇光明吽能生·滿願。○夏

無量壽儀軌云：此陀羅尼才誦三遍，即於無邊佛土成就廣大供養，由此獲得無量福聚，世世常生諸佛會中，蓮華化生，得五神通，分身百億，拔濟有情，現世受福報，當來生淨土。

安土地真言

南無三滿多 沒馱喃 唵 度嚕

度嚕 地尾娑婆訶

普供養真言

唵 誡誡曩 三婆縛 伐日囉斛

南無本師釋迦牟尼佛（三稱）

開經偈

無上甚深微妙法  
百千萬劫難遭遇  
我今見聞得受持  
願解如來真實義

大乘離文字普光明藏經

大唐天竺三藏地婆訶羅譯

如是我聞：一時，佛在王舍城耆闍崛山中，與大菩薩無量百千億那由他數，皆是大智精進善巧，證無言法獲妙辯才，是處非處不

相違反，善調身心具諸解脫，常  
遊三昧不捨大悲，慚愧為身智慧  
為首，多所饒益如大寶洲，了知  
諸法善不善相，不著文字而有言  
說，於真俗門洞達無礙，深明實  
際不住其中，善能分別而無所受

，雖厭生死常護世間，周遍十方  
有大名稱，於真妙藏寂然宴息，  
雖現受身永出三界，而行諸有勉  
濟眾生，平等教誨志常賢善，平  
等憐愍心無染著，能令自他莫不  
清淨，成就如是无量功德——其名

曰：勝思惟菩薩、法震音菩薩、  
妙身菩薩、法輞菩薩、辯積菩薩、  
、持地菩薩、持世菩薩、大名稱  
菩薩、具諸辯菩薩、千容相菩薩  
、功德山菩薩、蓮華眼菩薩、蓮  
華面菩薩、珠髻菩薩、妙音菩薩

，如是等菩薩摩訶薩，皆如童子  
色相端嚴，於此眾中而為上首。  
爾時，觀自在菩薩與恒河沙等紹  
尊位者諸菩薩俱，殊勝見菩薩與  
無央數天帝釋俱，虛空藏菩薩與  
無量菩薩及無量四天王眾俱，大

勢至菩薩與無量億梵天眾俱，遍  
吉祥菩薩與無量娑女俱，普賢菩  
薩、不空見菩薩、星宿王菩薩、  
離疑菩薩、息諸蓋菩薩、藥王菩  
薩、藥上菩薩，各與無量菩薩眾  
俱；其中亦有無量諸佛自變其身

作菩薩像；尊者舍利弗、摩訶目  
乾連、摩訶迦葉、如是等大阿羅  
漢，各與無量聲聞眾俱；那羅延  
等無量天眾，乃至恒沙國土日月  
諸天，威光照耀悉來佛所。至佛  
所已，彼天威光不能復現，猶如

聚墨對閻浮金；婆樓那龍王、德  
叉迦龍王、阿那婆達多龍王、美  
音乾闥婆王、無擾濁迦樓羅王，  
各與無量諸眷屬俱，來入此會。  
十方世界如恒河沙所有菩薩，咸  
於本土啟請如來，與諸四眾同時

到此，各持種種出過世間殊好供  
養，奉上於佛諸菩薩已，即於會  
中坐蓮華座。

爾時，勝思惟菩薩摩訶薩從座而  
起，偏袒右肩、右膝著地，合掌  
向佛而作是言：世尊！我今欲請一

二字」之義，惟願如來垂哀見許。  
佛告勝思惟菩薩言：善男子！欲  
有問者隨汝意問，如來不為一眾  
生故出現世間，為欲利益無量眾  
生而出現耳。於是，勝思惟菩薩  
即白佛言：世尊！何者一法，是

諸菩薩所應永離？何者一法，是  
諸菩薩應常護持？何者一法，是  
諸如來現所覺了？佛言：善哉善  
哉！善男子！汝以如來威神之力  
，乃能問我如是深義。諦聽諦聽  
！善思念之！當為汝說。

善男子！有一種法菩薩應離，所謂欲貪；善男子！如是一法是諸菩薩所應永離。善男子！復有一法菩薩應離，所謂瞋怒；如是一法是諸菩薩所應永離。善男子！復有一法菩薩應離，所謂愚癡；

如是一法是諸菩薩所應永離。善男子！復有一法菩薩應離，所謂我取。善男子！復有一法菩薩應離，所謂疑惑。善男子！復有一法菩薩應離，所謂憍慢。善男子！復有一法菩薩應離，所謂懈怠。

。善男子！復有一法菩薩應離，  
所謂惛眠。善男子！復有一法菩  
薩應離，所謂愛著。善男子！如  
是一法，是諸菩薩所應永離。  
善男子！汝復問我「何者一法，  
是諸菩薩應常護持」？善男子！

謂「諸菩薩非己所安，不加於物  
」，若諸菩薩守護此法，即是能  
持諸佛如來一切禁戒。何以故？  
自愛身命不應殺生，自重資財不  
應偷盜，自護妻室不應侵他，如  
是等行皆名一法。善男子！若有

敬順如來語者，於此一法常當憶念。何以故？無有眾生愛樂於苦，凡有所作悉求安樂，乃至菩薩求阿耨多羅三藐三菩提，亦為自他皆得樂故。善男子！以如是義，我說此言「非己所安不加於物」

；如是一法，是諸菩薩應常護持。善男子！如汝所問「何者一法，是諸如來現所覺了」？善男子！「無有少法」是如來覺，何以故？如來覺者「無所覺」故。善男子！一切法無生是如來覺，一切

法無滅是如來覺，一切法離二邊  
是如來覺，一切法不實是如來覺  
。善男子！「諸業自性」是如來  
覺，一切法從因緣生是如來覺，  
因緣之法猶如電光是如來覺，以  
因緣故而有諸業是如來覺。善男

子！一切法性普光明藏是如來覺  
。善男子！何故「法性」名「普  
光明藏」？善男子！「世、出世  
」智依之以生，如母懷子故名為  
藏。若智生時反照其本，如是法  
性為般若波羅蜜之所攝藏，是故

名為普光明藏。善男子！一切法如幻如焰是如來覺。善男子！諸法實性一味解脫是如來覺，一味解脫是即名為普光明藏。善男子！一相法是如來覺。云何一相？所謂諸法不來不去、非因非緣、

不生不滅、無取無捨、不增不減。善男子！「諸法自性本無所有」不可為喻，非是文詞之所辯說，「如是一法」是諸如來現所覺了。當佛說此「莊嚴王離文字普光明藏法門」之時，有十地菩薩

所見微塵數眾生，悉發阿耨多羅  
三藐三菩提心；復有如是微塵數  
眾生皆發聲聞辟支佛心；復有如  
是微塵數眾生在地獄者，皆得離  
苦生人天中；無量菩薩得入初地  
，無量菩薩得百千三昧，無量眾

生悉蒙利益無空過者。

爾時，佛告羅睺羅言：善男子！

我此法要汝當受持。說是語時，

會中有九十億菩薩摩訶薩，承佛

威神即皆避座，白佛言：世尊！

我等誓當受持如來所說法要，於

此娑婆國土最後時中，見有其人  
流通為說。

爾時，四天王白佛言：世尊！若  
有能持此經典者我當擁護，令其  
志願皆得滿足，所以者何？能持  
此經是法器故。爾時，世尊普觀

眾會而作是言：諸仁者！我此所  
說甚深方廣希有法門，非諸眾生  
有少善根而能聽受；能聽受者即  
為承事供養於我，亦為荷擔無上  
菩提，是人當得辯才無礙，決定  
生於清淨佛土，是人臨終定得親

見阿彌陀佛菩薩大眾而現在前。  
我今在此耆闍崛山諸菩薩眾所共  
圍繞，彼臨終時亦如是見。當知  
是人即為已得無盡法藏，當知是  
人得宿命智，當知是人墮惡道  
。善男子！我今說此一切世間難

信之法，設有眾生作五逆罪，聞  
是經已，書持讀誦為人解說，所  
有業障咸得消除，終不受於惡趣  
之苦；斯人即為諸佛菩薩之所護  
念，在所生諸根具足，蒙佛灌  
頂五眼清淨。善男子！取要言之

：我見是人已成佛道。

佛說此經已，勝思惟等一切菩薩  
及諸聲聞天龍八部，皆大歡喜信  
受奉行。

### 大乘離文字普光明藏經

◎本經出自《大正新脩大藏經》第17冊·編號：八二九  
頁數：八七二

### 般若波羅蜜多心經

唐三藏法師玄奘奉詔譯

觀自在菩薩行深般若波羅蜜多時  
，照見五蘊皆空，度一切苦厄。  
舍利子！色不異空，空不異色；  
色即是空，空即是色；受想行識

亦復如是。舍利子！是諸法空相  
——不生不滅、不垢不淨、不增不  
減。是故，空中無色、無受想行  
識、無眼耳鼻舌身意、無色聲香  
味觸法、無眼界乃至無意識界、  
無無明亦無無明盡，乃至無老死

亦無老死盡、無苦集滅道、無智  
亦無得。以無所得故；菩提薩埵  
依般若波羅蜜多故，心無罣礙；  
無罣礙故無有恐怖，遠離顛倒夢  
想，究竟涅槃。三世諸佛依般若  
波羅蜜多故，得阿耨多羅三藐三

菩提。故知：般若波羅蜜多是  
 大神咒、是大明咒、是無上咒、是  
 無等等咒，能除一切苦，真實不  
 虛。故說般若波羅蜜多咒，即說  
 咒曰：揭諦揭諦，波羅揭諦，波  
 羅僧揭諦，菩提薩婆訶。

摩訶般若波羅蜜多（三稱）

補闕真言

南無喝囉怛那 哆囉夜耶 佉囉  
 佉囉 俱住俱住 摩囉摩囉 虎  
 囉 吽 賀賀 蘇怛拏 吽 發  
 抹拏 娑婆訶

圓滿補闕真言

唵

呼嚧呼嚩

社曳穆契

莎訶

普迴向真言

唵

娑摩囉

娑摩囉

弭摩曩

薩縛訶

摩訶

斫迦囉

縛吽

三皈依

自皈依佛

當願眾生

體解大道

發無上心

自皈依法

當願眾生

深入經藏

智慧如海

自皈依僧

當願眾生

統理大眾

一切無礙 和南聖眾

一者迴向：普光明藏，現量實證。

二者迴向：佛果菩提，速疾圓滿。

三者迴向：法界眾生，同生淨土。

迴向偈

願以此功德 普及於一切

我等與眾生 皆共成佛道

願以此功德 莊嚴佛淨土

上報四重恩 下濟三塗苦

若有見聞者 悉發菩提心

盡此一報身 同生極樂國

● 願生西方淨土中 九品蓮花為父母

花開見佛悟無生 不退菩薩為伴侶

奉佛弟子某甲（如欲成就世法及諸善事，隨意稱之）令我現世之內，五福重增，他報之中二嚴克備。

# 南無護法韋馱天尊菩薩

## 威鎮三洲摧邪顯正



## 神功叵測有求必應

南無護法韋馱尊天菩薩，生於六月初三日，常在娑婆世界擁護三洲轉大法輪，一十八世為將軍身，五十四世為宰相。造亭接眾一百二十所，開井一百三十口，造僧製婆及碧樹跡八百萬，設僧尼浴池，砌大路四十八條，造出佛寺四十八所，每世造栴檀香佛一千尊，高丈六尺，每尊佛前造金寶塔一座，各高七尺。每世造大藏經一百藏，一十七世為真童子，寶華琉璃佛會上成道號普眼菩薩，釋迦佛會上名真童子菩薩。手執金剛寶杵，重八萬四千觔，金剛不壞身。發大誓願佛佛出世擁護佛法，頭戴大鳳翅兜整盔，足穿烏雲白履，身披黃金鎖子甲，若人願書一張乃至百千萬張，無病延年，菩提不退，功德無量。（韋馱菩薩往昔修因文）

《觀大像佛之出世》